

- 25 Hinc et abbates profugos videmus,
Atque propulsi monachi vagantur,
Et vident terras alias et urbes
Exiliati.
Sic Syon fetam gravidamque partu
30 Impetens sevit draco tortuosus.
Ut trahi possit, fluvium profundit
Parturienti¹.
Illa quantumvis graviter prematur,
Plus gravat matrem fuga filiorum.
35 Nam dolor natos cruciando matris
Viscera pungit.
Plorat et plangit laniatque crines,
Verberat pectus laceratque vestem;
Clamat in caelum, sequiturque caros
40 Crine soluto.
Quam potestatem roget, ut iuвет se?
Vel quis afflictæ poterit mederi?
Cum Nero Romam teneat, Symonque
Papa vocetur?

II.

- Cum mecum tacitus ista revolverem —
Nam tunc expulerat me Symon exulem —
Post noctem mediam gratus, uti solet
Mestum me tenuit sopor.
5 Statim pervideo, quale periculum
Nunc est aecclesiae quamque periculis
Nobis in mediis proximus est deus,
Et virgo genitrix dei.
Quandam² naviculam per mare turbidum
10 Venti dispulerant, undaque turgida
Compages laterum pene resolverat:
Pars turbæ trepidæ fui.
Venti quattuor hinc undique corruunt;
Huc Arcton, Borean, Meridies, Nothum³
15 Torquent, et Zephiro perstrepat Occidens.
Eurus solus adest domo.
Concertant validis undique viribus,
Quis de navicula plus sibi vindicet.
Vinci non patiens alter ab altero,
20 Nunc vincit, modo vincitur.
Tum sic omne latus combibit equora,
Quod summas tabulas iam mare vicerat.

1) Apoc. 12, 15 'Et misit serpens ex ore suo post mulierem aquam
tamquam flumen, ut eam faceret trahi a flumine'. 2) 'Q^adam' cod.

3) Ita cod.